



UNIJA SAMOSTALNIH SINDIKATA POLICIJE  
FEDERACIJE BOSNE I HERCEGOVINE

UNION OF INDEPENDENT POLICE TRADE UNIONS  
OF FEDERATION OF BOSNIA AND HERZEGOVINA



Broj: US-057-1/17  
Datum: 20.11.2017. godine

"Hitno"

**ZASTUPNIČKI DOM PARLAMENTA FBiH**

- n/r gosp. Edin Mušić, predsjedavajući -  
- klubovima zastupnika -

**DOM NARODA FBiH**

- n/r g-đa Lidija Bradara, predsjedavajuća -  
- klubovima zastupnika -

**VLADA FEDERACIJE BOSNE I HERCEGOVINE**

- n/r gosp. Fadil Novalić, premijer -

**FEDERALNO MINISTARSTVO UNUTRAŠNJIH POSLOVA**

- n/r gosp. Aljoša Čampara, ministar -

**FEDERALNO MINISTARSTVO RADA I SOCIJALNE POLITIKE**

- n/r gosp. Vesko Drljača, ministar -

DUŠAN ČUKIĆ  
Predsjednik  
PARLAMENT FEDERACIJE  
SARAJEVO

Primijeno:	20-11-2017		
Org. jed.	Broj	Prilogi	Vrijednost
01,02	- 02 -	188	1/17

**Predmet:** Pravo na ostvarivanje penzije za policijske službenike, stav, d o s t a v l j a s e,-

**Veza:** Naš akt broj : US-057/17 od 13.11.2017.godine, -

Poštovani,

Našim aktom broj i datum veze dostavili smo Vam Prijedlog amandmana koji se odnosi na prijedlog Zakona o penzijskom i invalidskom osiguranju, a koji ponavljamo, glasi:

**U članu 140. iza stava (5) dodaju se novi stavovi (6) i (7) koji glase:**

**(6) Osiguranicima koji su pola radnog staža od ukupnog efektivnog radnog staža proveli na poslovima policijskog službenika, zbroj godišnjih ličnih koeficijenata za radni staž koji su proveli na poslovima policijskog službenika množi se sa koeficijentom 1,3.**

**(7) Na osiguranike iz stava 6.ovog člana, ne primjenjuju se odredbe člana 144. i 145. ovog zakona.**

Imajući u vidu da u proteklom periodu na nizu sastanaka koje smo održali sa premijerom Vlade Federacije BiH, te resornim ministrima nismo postigli nepodjeljenu saglasnost koja bi dovela do obostrano zadovoljavajućeg rješenja po socijalne partnere, a da smo istovremeno suočeni sa pritiskom članstva za radikalizaciju sindikalnih aktivnosti, to ovom prilikom naprijed navedenom naslovu dostavljamo sljedeće prijedloge koji bi bili prihvatljivi sa aspekta Unije samostalnih sindikata policije Federacije BiH, i to:

**Prijedlog amandmana na član 148. na prijedlog Zakona o penzijskom i invalidskom osiguranju a koji glasi:**

SARAJEVO, ul. Obala Kulina bana br.1, Tel/Fax: +387 33 207 235

e-mail: [uspolfbih@sssbih.com](mailto:uspolfbih@sssbih.com)

Transakcijski račun: 3383202251033128

## Član 148.

(Rok za donošenje zakonskih i podzakonskih propisa)

Iza stava 1. dodaju se stav (2) i (3) koji glase:

(2) Pravo na ostvarivanje penzije svih policijskih službenika koji isto ostvaruju kod Federalnog zavoda PIO/MIO će se urediti donošenjem Zakona o dopuni Zakona o policijskim službenicima Federacije BiH u roku od 60 dana od dana stupanja na snagu ovog zakona.

(3) Ukoliko se propis iz stava (2) ovog člana ne donese u navedenom roku, do donošenja istog, za visinu i način ostvarivanja prava na penziju za policijske službenike primjenjivat će se propisi o penzionisanju koji su bili na snazi do dana donošenja ovog zakona.

Pored naprijed pobliže opisanih prijedloga amandmana na prijedlog Zakona o penzijsko invalidskom osiguranju, sa aspekta našeg članstva, prihvatljiv je i niže navedeni prijedlog donošenja Zakona o dopuni Zakona o policijskim službenicima Federacije BiH, uz uslov da isti u parlamentarnoj proceduri bude uz prijedlog Zakona o penzijsko invalidskom osiguranju, a isti glasi :

### ZAKON O DOPUNI ZAKONA O POLICIJSKIM SLUŽBENICIMA FEDERACIJE BOSNE I HERCEGOVINE

#### Član 1.

U Zakonu o policijskim službenicima Federacije Bosne i Hercegovine ("Službene novine Federacije BiH", broj: 27/05, 70/08 i 44/11), iza člana 104. dodaje se novo poglavlje IXa - PENZIONISANJE POLICIJSKIH SLUŽBENIKA i novi čl. 104a. i 104b. koji glase:

#### "POGLAVLJE IXa - PENZIONISANJE POLICIJSKIH SLUŽBENIKA

##### Član 104a.

(Uvjet za sticanje prava na penziju policijskog službenika)

(1) Policijski službenik pravo na penziju ostvaruje pod uvjetima utvrđenim Zakonom o penzijskom i invalidskom osiguranju Federacije Bosne i Hercegovine, izuzev u slučajevima, i to:

a) ako je imao neprekidno najmanje 15 (petnaest) godina staža osiguranja u svojstvu policijskog službenika; i

b) ako u vrijeme sticanja prava na penziju ima svojstvo policijskog službenika;

(2) Za policijskog službenika iz stava (1) ovog člana lični koeficijent za ostvarivanje prava na penziju utvrdit će se na osnovu 5 (pet) godišnjih plaća ostvarenih u svojstvu policijskog službenika, koje su za policijskog službenika najpovoljnije.

(3) Odredbe stava 2. ovog člana odnose se i na policijskog službenika koji izgubi svojstvo policijskog službenika usljed povrede na radu uz uslov da je najmanje polovinu staža osiguranja u efektivnom trajanju ostvario u policijskom organu, odnosno, organu unutrašnjih poslova i da je u vrijeme sticanja prava na penziju uposlenik tog organa.

##### Član 104b.

(Pravo na ostvarivanje penzije policijskog službenika)

Odredbe člana 104a. ovog zakona odnose se na sve policijske službenike koji ostvaruju svoja prava u skladu sa propisom navedenim u članu 104a. stav (1) ovog zakona."

#### Član 2.

Ovaj zakon stupa na snagu narednog dana od dana objavljivanja u "Službenim novinama Federacije Bosne i Hercegovine".

Uvažavajući sve naprijed navedeno pozivamo predstavnike zakonodavne i izvršne vlasti u Federaciji BiH da pokažu visok stepen razumijevanja, socijalne osjetljivosti i društvene odgovornosti za kategoriju policijskih službenika koja je iznijela teret odbrane BiH i koja još uvijek čini jedan od temelja države i društva, a sve u cilju sprečavanja radikalizacije sindikalnih aktivnosti na koje ćemo biti prinuđeni ukoliko izostane prihvatanje barem jednog od iznijetih prijedloga.

Napominjemo da, nakon izvršene analize, prijedlozi koje smo iznijeli neće utjecati na finansijsku stabilnost penzionog fonda niti ugroziti bilo koju drugu kategoriju korisnika istog.

S poštovanjem,

  
**PREDSJEDNIK UO USP FBIH**  
Fahrudin Haladžić

